



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK

**Služba za privredu, integrirani lokalni
razvoj i društvene djelatnosti**



Vogošća, ul. Jošanička br. 80, tel: 00387 33 586-414, fax: 586-471

Broj: 03-36-393/26
Vogošća, 27.02.2026. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09), čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), i člana 6. Pravilnika o sufinansiranju kratkoročnih programa i aktivnosti nevladinih organizacija, broj: 03-36-1927/25. od 14.11.2025. godine, općinski načelnik raspisuje:

JAVNI POZIV ZA SUFINANSIRANJE KRATKOROČNIH PROGRAMA I AKTIVNOSTI NEVLADINIH ORGANIZACIJA

I OPIS PROGRAMA

Ovaj program planiran je u okviru Strategije razvoja Općine Vogošća i to:

- Strateški cilj 2.- unaprijediti društveni život stanovništva stvaranjem uslova za društveno-ekonomski rast, dostupnost i visok kvalitete svih javnih servisa;

Cilj Javnog poziva je sufinansiranja projekata nevladinih organizacija koji doprinose javno korisnim programima i aktivnostima od značaja za Općinu, posebno onima koji:

- a) unapređuju kvalitet života građana;
- b) jačaju civilno društvo i društvenu koheziju;
- c) afirmišu kulturne, ekološke, edukativne, humanitarne i druge društveno korisne aktivnosti;
- d) promovišu inovativne modele lokalnog razvoja u skladu sa strateškim dokumentima Općine;
- e) doprinose uključivanju marginaliziranih grupa i promociju ljudskih prava;
- f) doprinose jačanju kapaciteta omladinskih organizacija i jačaju položaj mladih u lokalnoj zajednici.

Za realizaciju aktivnosti koje su predmet ovog Javnog poziva u Budžetu Općine Vogošća za 2026. godinu planiran je iznos od 40.000,00 KM. Konačan iznos sredstva može biti predmet izmjene nakon usvajanja Izmjena i dopuna Budžeta Općine Vogošća za 2026. godinu.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti privrednih subjekata koji obavljaju ekonomsku djelatnost na tržištu.

II PRAVO NA DODJELU

Pravo na dodjelu sredstava po ovom Javnom pozivu imaju registrovane nevladine organizacije koje:

- a) imaju sjedište i aktivno djeluju na području Općine;
- b) nisu prekršile ranije ugovorne obaveze prema Općini;

- c) imaju registrovanu djelatnost koja je u skladu sa ciljevima aktivnosti za koju traže sufinansiranje;
- d) su registrovana najmanje godinu dana prije dana objave javnog poziva;
- e) su uredno dostavila izvještaj o utrošku sredstava iz prethodnih sufinansiranja od strane Općine (ako su ista ostvarena);
- f) nisu političke organizacije, vjerske zajednice ili njihovi direktni organi.

III NEPRIHVATLJIVI TROŠKOVI

Sredstva po ovom Javnom pozivu ne mogu se koristiti za sljedeće troškove:

- a) plate, honorare i naknade članovima upravnih tijela i zaposlenima u udruženju;
- b) nabavku stalne opreme i imovine (računari, namještaj, vozila i slično);
- c) troškove reprezentacije, poklone, zabave i slične aktivnosti;
- d) pokrivanje dugova, kamata i drugih finansijskih obaveza iz prethodnog perioda;
- e) aktivnosti koje su već finansirane iz budžeta Općine po drugom osnovu.

IV IZNOS SREDSTAVA

Minimalan iznos sufinansiranja po aktivnosti iznosi 500,00 KM, a maksimalan iznos je 5.000,00 KM.

Udruženje mora učestvovati u finansiranju aktivnosti u iznosu od najmanje 10% ukupnih troškova, vlastitim sredstvima ili sredstvima iz drugih izvora.

V APLICIRANJE I NAČIN DODJELE SREDSTVA

Dostavljeni zahtjevi će se rješavati po vremenu prispjeća.

Služba će u roku od 15 (petnaest) dana od dana prijema zahtjeva utvrditi da li su ispunjeni uslovi za dodjelu sredstava.

Na osnovu prijedloga Službe, Općinski načelnik sa udruženjem potpisuje sporazum/ugovor za odabrane aktivnosti udruženja.

Odobrena sredstva će se doznačiti udruženjima građana nakon potpisivanja ugovora/sporazuma o sufinansiranju, a putem Službe za finansije.

Služba će pismenim putem obavjestiti korisnike koji ne ispunjavaju uslove javnog poziva sa jasno naznačenim razlozima zbog kojih je zahtjev odbijen.

Nakon realizacije aktivnosti, korisnik je dužan dostaviti izvještaj o realizaciji i namjenskom utrošku sredstava najkasnije 15 dana po završetku aktivnosti.

U izuzetnim slučajevima, kada se radi o aktivnostima od posebnog značaja za lokalnu zajednicu koje zahtijevaju hitno postupanje, nadležna služba može predložiti prioritetno razmatranje prijave, bez obzira na redoslijed pristiglih zahtjeva.

Općina Vogošća zadržava pravo da, u skladu s raspoloživim sredstvima i razvojnim prioritetima, izvrši selekciju i sufinansira isključivo one aktivnosti koje ocijeni kao najpotrebnije i najkorisnije za lokalnu zajednicu, bez obaveze da sufinansira sve pristigle prijave koje ispunjavaju formalne uslove.

Udruženje u toku kalendarske godine za koju je raspisan Javni poziv ima pravo podnijeti najviše dvije prijave.

VI KRITERIJI ZA DODJELU SREDSTVA

Pri razmatranju prijave za sufinansiranje kratkoročnih programa i aktivnosti, uzimaju se u obzir sljedeći kriteriji:

- a) stepen relevantnosti predložene aktivnosti za potrebe i prioritete lokalne zajednice;
- b) broj, struktura i interes ciljne grupe korisnika koji će biti direktno obuhvaćeni aktivnošću;

- c) jasnoća ciljeva, organizacione sposobnosti i realnost planiranog budžeta;
- d) dosadašnja iskustva udruženja u realizaciji sličnih aktivnosti, kao i njihova saradnja s Općinom (ukoliko postoji);
- e) doprinos aktivnosti ostvarivanju javnog interesa, promociji pozitivnih vrijednosti i razvoju lokalne zajednice;
- f) usklađenost aktivnosti sa strateškim dokumentima i razvojnim politikama Općine Vogošća.

Prednost za sufinansiranje će imati prijave koje:

- a) doprinose unapređenju društvenog života u lokalnoj zajednici;
- b) nadopunjuju ili obogaćuju postojeće sadržaje i aktivnosti koje provodi Općina Vogošća ili druge lokalne organizacije (npr. programi za obilježavanje značajnih datuma, kulturne i sportske manifestacije Općine i sl.);
- c) promovišu Općinu Vogošća na regionalnom, državnom ili međunarodnom nivou;
- d) uključuju saradnju između različitih udruženja, generacija, sektora ili zajednica;
- e) potiču aktivizam građana i volonterski angažman.

VII OBAVEZNA DOKUMENTACIJA

- a) Izvod iz registra udruženja da nije stariji od godinu dana,
- b) Opis planirane aktivnosti (mjesto, vrijeme, ciljna grupa),
- c) Izvod iz Statuta kojim se dokazuje da je djelatnost za koju se traži sufinansiranje registrovana kao djelatnost udruženja,
- d) Budžet sa jasno prikazanom strukturom troškova i naznačenim zahtjevom za sufinansiranje iz Budžeta Općine,
- e) Dokaz o iznosu i strukturi sufinansiranja iz vlastitih ili iz drugih izvora,
- f) Broj transakcijskog računa udruženja.

VIII TRAJANJE JAVNOG POZIVA I PREDAJA APLIKACIJA:

Javni poziv se objavljuje na web stranici Općine i ostaje otvoren tokom cijele godine, odnosno do utroška sredstava planiranih za ovu namjenu.

Zahtjev za sufinansiranje sa kompletnom dokumentacijom se dostavlja u štampanoj formi na protokol Općine Vogošća u vremenu od 8 do 16 sati ili poštom na adresu Općina Vogošća, ul. Jošanička br. 80, 71 320 Vogošća. Sve dodatne informacije, korisnici mogu dobiti na telefon 033 586 414, ili putem maila emir.dragolj@vogosca.ba.

OPĆINSKI NAČELNIK

Migdad Hasanović